



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Apotheca Spiritvalivm Pharmacorvm Contra Lvem  
Contagiosam Aliosqve Morbos**

**Wichmans, Augustin**

**Antverpiae, 1626**

Octauo Kalend. Ianuarij.

**urn:nbn:de:hbz:466:1-9653**

Oriente, neq; hę quę in Ægypto, neq; hę quę in Lybia, neq; hę quę in medio mundi sunt constitutę. hęc Irenaeus, B. Polycarpi Smyrnensis Episcopi discipulus, vt scribit Hieronymus, & Apostoliconrum temporum vicinus; Germaniaē haut dubiē nomen ea notionē usurpans, qua solebant illius æui scriptores Romani, cūn nullæ adhuc essent in Germania Transthenana, Christianorum Ecclesiæ.

*Octauo Kalend. Ianuarij.*

25  
Decemb.

In Bethleem Iudæ Natiuitas Domini nostri Iesu Christi secundum carnem.

**C**ur hoc solennissimum festum, etiam in Tutelam hīcadnum, rationem dabo non contemnendam ex S. Bonaventura, invita S. Francisci c. 10. vbi ita scribit: Contigit autem anno tertio ante obitum suum, ut memoriam Natiuitatis pueri Iesu, ad deuotionem excitandam, apud castrum Græcij disponeret agere, cum quantō maiori solennitate valeret. Ne verò hoc leuitati posset adscribi, à summo Pontifice petita & obtentatilientia, fecit præparari præsepium, apportari fœnum, bœuem & asinum ad locum adduci. Aduocantur fratres, adueniunt populi, personat silua voces, & venerabilis illa nox luminibus copiosis & claris, laudibusque sonoris & consonis, & splendens efficitur, & solennis.

Stabat vir Dei coram præsepio pietate repletus, respersus lacrimis, & gudio superflusus. Celebrantur Missarum solennia super præsepe, Leuita Christi Francisco, sacrum Euangelium decantante. Prædicat deinde populo circumstanti de natiuitate regis pauperis, quem cùm nominare vellet, puerum de Bethleem præ amoris tenuitudine nuncupabat. Miles autem quidam virtuosus & verax, qui propter Christi amorem sacerdotali relicta militia, victo Dei magna fuit familiaritate coniunctus, Dominus Ioannes de Græcio, se vidisse assertuit puerulum quemdam validè formosum in illo præsepio dormientem, quem B. Pater Franciscus ambobus complexus brachijs, excitare videbatur à somno. Fœnum autem præsepij reseruatum à populo, mirabiliter sanarium fuit brutorum lanatis prouidentium, & aliarum repulsiuum pestium diversarum. Ita pulsatur.

N Bonaventura.

Bonauentura. Et quid mirum si Dominus Deus per hoc fœnum pestem sèpè propulsauerit, quod ipse sua præsentia honorare dignatus fuerat, cùm scribat Seuerus Sulpitius, stramentum cui Sanctus Martinus indormierat, dæmonem profligasse? Sacre Virgines post discessum illius, in secretarium ubi dormierat, irruunt, adlambunt singula loca, ubi aut sedet vir beatus, aut steterat. Stramentum etiam in quo quieuerat, partiuuntur. Vna earum post dies paucos, partem straminis, quam sibi pro benedictione collegat, energumeno, quem spiritus erroris agitabat, de ceruice suspendit: nec mora, dicto citius, eiecto dæmons, persona purgata est.

Porrò ex hoc facto S. Francisci, Poniticia authoritate comprobato, nota Lector antiquissimam, hodieque laudabiliter vñitatem consuetudinem, in nocte Dominicæ Nativitatis erendi per omnes Ecclesias, huiusmodi Præsepio; quæ non sunt aliud, quam viuida in animis fidelium deuotionis excitamenta: dum per figuræ ijs exhibetur, quod in rei veritate semel pro salute omnium gestum est, quamvis omnium oculis videri non potuerit. Etsi enim in sacris litteris de bove & asino ad Præsepe Domini stantibus, nihil aperte proditum sit; antiquissima tamen traditio est, quæ à priscis seculis ad nos usque dimanauit, sanctorum Patrum Ambrosij, Augustini, aliorumque quos Leo Castrius in cap. I. Isaiae citat (estò petulanter nimis & arroganter eos Caluinus, vitulus pro more suo vitulans, subfannet, vocetque fabulones & asinos) testimonij subnixa, qui Christo puero & Domino in præsepi inter bouem & asinum reclinato, & ab eisdem vel ordinaria & naturali obedientia; vel forte etiam extraordinaria & miraculosa (vt vult Bonauentura) reverentia agnito & adorato, illud Isaiae adaptant: *Cognovit bos possessorem suum;*  
*& asinus præsepe Domini sui.* itemque illud Abacuc propheta iuxta Scriptuaginta: *In medio duorum animalium cognosceris.* Si enim agnus S. Francisci flexit genua ante sacram Eucharistiam; si alaudæ & aues suo silentio & applausu eundem sanctum sibi concionantem reveritæ sunt & honorarunt; si ferè Antonium, Paulum, Hilarionem, aliosque ad primævam Adæ in nocentiam accedentes coluerunt; si spes non semel sacram Eucharistiam tutatæ sunt; si iumenta super sepulchrum S. Kiliani Martyris in stabulo sepulti, nec stercore, nec vrinam reddiderint, quasi honorem ei exhibentia: quid ni bos & asinus in præsepio præsentem & recens natum Christum innocissimum, Dominum suum & nostrum, peculiari aliquo cultu hono-

Ha. 1.

Abac. 3.

## E C C L E S I A S T I C V . M.

rasse; eique se inclinando, fœno eum tegendo, halitu suo eum calcificiendo; alijsque modis eum fuisse credantur; præsertim cum non modò angeli & pastores, sed & stella tunc eidem seruierit, vocans & præiens Magos ad eum in Bethleem? Certè non est seruus maior Domino suo nec creaturæ suo, Creatore.

Volunt quidem Lyran. & S. Bonavent. atque alij, bouem & asinum à Iosepho fuisse adductos: verùm quia pauper erat, probabilius ex S. Chrysostomo sentit Sanchez, quod vel ad herum hospitij, vel ad alium quempiam peregrinum seu indigenam, pertinuerint. Præsepe verò in quo reclinatus fuit Saluator noster, Romam postea translatum fuit, positumque in Basilica S. Mariæ Majoris; antea quidem vile & luteum, ut scribit S. Chrysost. nunc verò laminis argenteis obductum; iuxta quod congrue valde corpus S. Hieronymi ibidem conditum est; ut sicut iuxta illud ipse vixit, ita iuxta idem mortuus quiescat. De fœno autem in quo idem fuit positus, ut commodius paulò iaceret, & frigus minus sentiret, ita ex Sedulio inversa canit Ecclesia;

*Fœno iacere pertulit,*

*Præsepe non abhorruit,*

*Parvoque lacte pastus est,*

*Per quem nec ales esurit.*

De Rosa Ierichuntina, vulgo, Rosa Mariana, quæ hac nocte qua Saluator noster natus fuit, licet exsucca sit & sicca, paulatim sponte sua hiat, & tandem se prossus pandit; post eam vero noctem, ramos iterum contrahit, & in glomum se colligit, multa vide apud P. Andrewm Coppenstein, qui pulchrè eam describit, dicitque eam esse l. i. c. 26. Hieroglyphicum incorruptè Virginitatis Sanctissimæ Deiparæ, secundum illud Ezechielis: *Porta haec clausa erit; non aperietur, & vir non transibit per eam, quoniam Dominus Deus Israel ingressus est per eam, eritque clausa Principi, nempe post egressum eius, cuius nomen Oriens est.*

*De init.  
frat. Ros.*

*Ezech.*

*44.*

Nascuntur eiusmodi Rosæ prope fontem Helisæ in Palæstina.

Porrò peculiari ritu haec solennitas nati Salvatoris, Ordini nostro festiva est, quod nempe eo die, anno 1121. beatissimus Patriarcha Norbertus, post plurima Apostolicæ vitæ insignia, Præmonstrato sibi cælitus à Sanctissima Deipara habitu, & primi Cœnobij loco, acceptaque à magno Hippomensium præfule Augustino, Clericorum aurea Regula, vñâ cum collecto suo candido fodalito, solenni sese votorum professione, in obsequium perpetuum parvulo

Iesu nato consecrauit, & Dominicæ descriptionis ad instar, in die Natalis Domini, sub eadem, & stabilitatis in loco, & professionis gratia, ad illam beatæ perennitatis ciuitatem, cum noua sua & Candida militia sese descripsit. Atque ita ab humili Christi præsepio, quod non nisi paupertatem, castitatem, & obedientiam nobis clamat, noꝝ virꝫ cursum auspicatus est.

<sup>29.</sup>  
Decemb.

Quarto Kalend. Ianuarij.

Vide  
cap. 3.  
Apoth.  
Spir. fol.  
<sup>19.</sup>

Hierosolymis sancti David Regis & Prophetæ, qui Israeliticum populum, pestilentia atrociter à Deo flagellatum, sua pœnitudine & precibus liberauit.

**H**istoria hæc plus quam notissima est, & sparsim in Apotheca mea, illius mentionem feci. Quod si mortalis adhuc, & inter mortales degens, misericordia ipse indigas diuinæ, apud Deum pro suis subditis tantum impetrare potuerit: quidam poterit pro suis clientibus, amicus Dei, cohæres Christi, & consors factus ēternū duraturæ beatitudinis? Pro ijs maximè, qui dīro illo malo pestilentie durè flagellati, psalmos eius pœnitentiales contrito & humiliato corde, Deo obrulerint? Procul dubio <sup>2. Reg. 12.</sup> illud Nathan Prophetæ audient: *Dominus quoque transtulit peccatum tuum: non morieris.*

**F**uit verò magnus hic Rex & Propheta, uti corde ita & corpore parvus & humili. In quo illud eiusdem vere fuit adimplētum: *Dominus humilia respicit in celo & in terra. Suscitans à terra inopem, & de stercore erigens pauperem; ut collocet eum cum principibus populi sui.* Quin & sapissime emperimus, Deum eximios viros, quos ad magna destinabat, corpore parvus efformasse. Ita magnum illud decus Orientis, & aureū os eloquentiæ, S. Ioan. Chryostomus, corporis specie & statura parvus fuit. Gregorius cognomen o Theologus, patria, non Episcopatu Nazianzenus, statura mediocri fuit, grataq; breuitate extitit. S. Paulus uti nomine, ita re parvus fuit. *Tricubitalis est,* inquit Chryostomus, & *calos transcendit.* S. Hieronymum parvo fuisse corpore, scribit Ribadeneira in eius vita. Atque hinc fortè tanta illi mentis a credo. S. Constantius Mansionarius ex paruitate corporis,

Raderus  
in virid.  
SS.

docu-